

ጾኑሲ ማደም ዳኪንቴ ጳውሎስ ኪኢቶ ቆላሲያሴ ዓጮ ዓሶም ዓይያ ካሮ

ጳውሎስ ቆላሲያሴ ካታም ዓሶም ፃኣፔ ኪኢታ ፃኣፒንቴህ ዳኮ ዒሲያ ዓጮ ጌይንታ ዔፕሶኔ ካታምኮ ዓባ ኬሰካ ዛሎና ዓኣ፥ ቆላሲያሴ ሺኢጲያ ማኣሮ ዓሶምኬ፤ ዬኖ ሺኢጲያ ማኣሬሎ ዔቂሴህ ጳውሎስቴዋንቴ ሮሜ ካኣቲ ዓጮ ዴማ ማዔ፥ ዒሲያ ዓጮኮ ዴኤፖ ካታም፥ ዔፕሶኔይዳፓ ማዳ ዓሲ ዒ ዳኬህሮ ዬኖ ሺኢጲያ ማኣሬሎም ዒ ማላያ ማዔኔ፤ ዬይያ ቆላሲያሴ ሺኢጲያ ማኣሮይዳ፡- «ጾኑሲ ዔራያና ዳቃያ ማዓኒ ፔቴ ፔቴ ዓሳ ጫሪንጫ ዋልቆና ዓኣ ጾኑሲ ማዢንቶ ካኣሽካንዳያ ኮይሳኔ» ጋዓ ሉኡዙሞና ዔርዛ ዓሳ ዓኣህ ጳውሎስ ዋይዜህሮኬ፤ ዬና ሉኡዙሞና ዔርዛ ዓሳ፡- «ፔቴ ፔቴ ዓሳ ዓቲንቶ ቤርቶ ቲቂያ ካኣዦና ሙኡዚ ዋጌና፤ ዬያፕዴ ዲማ ዲማ ዋሳ ካፓንዳያ ኮይሳኔ» ጋዓኔ።

ጳውሎስ ሃኖ ኪኢቶ ፃኣፔህ ጎኔ ዳቂንቶ ጎይያ ኬኤዚህና ዔያቶኮ ዔርዚያ ሉኡዚ ማዔህ ዔርዛኒኬ፤ ዒዚ ኬኤዜ ባኮይዳፓ ዴኤፒ ማዔ ባካ፡- «ዬሱሰ ኪሪሰቶሴ ጉቤና ዓሲ ዳቂሻኒ ዳንዳዓኔ፤ ዬያታ፥ ማሌ ካኣዦና ዲማ ዲማ ማዳ ዒዛይዳፓ ዓሲ ዲማሳኒ ዳንዳዓኔ» ጋዓዘኬ። ጾኑሲ ኪሪሰቶሴና ዓጮ ማዢኔ፤ ሃህ ዒዛና ዬያ ቢያ ፔ ባንህ ዔኪ ሙካኔ፤ ዓጮኮ ሃጊ ማዓንዳ ዳቂንታ ዋዛ ዓኣያ ማዓንዳህ ኪሪሰቶሴና ዋላ ፔቴ ማዒህና ሌሊኬ። ዬያፕዴ ጳውሎስ ሃይ ዴኤፖ ዔርዚያ ኪሪሰቶሴ ጉሙርቃ ዓሶኮ ናንጎይዳ ዋይቲ ጴዳንዳያ ኮይሳቴያ ዔርዛኔ።

ሃኖ ኪኢቶ ጳውሎስይዳፓ ዔኪ ቆላሲያሴ ዓሶም ሄሊሳኒ ዳኪንቴ ቲኪቆሴና ዋላ ዓናሲሞሴ ጎያህ ዓኣያ ማዔህ ዔሪያ ቃራኬ፤ ዓይጎሮ ጌዔቴ ጳውሎስ ዬያ ዓናሲሞሴ ጎያ ዓይላህ ዛሎ ፒልሞናም ማሌ ኪኢታ ፃኣፔያ ማዔህሮኬ።

ማፃኣፔላ ዲማ ዲማ ዓርቄ ባኮ

- ዓይያ ካሮ (1:1-8)
- ኪሪሰቶሴኮ ማዢንቲፓ ዓኣ ጾኑሞና ዒዛኮ ማዳ ዛላ (1:9—2:19)
- ኪሪሰቶሴና ዓኪ ናንጊ ዴንቂህ (2:20—4:6)
- ጋፒንህ ሃይሴ (4:7-18)

1 የኦሲ ማላሢና ዩሱስ ኪሪስቶስ ማደም ዳኪንቴያ ማዕፍ፡ ጳውሎሴና ኑ ዲቫሢ፡ ሚሞቴዎሴናይዳ፡-

2 ቆላሲያሴይዳ ናንጋያ፡ ኪሪስቶስ ዛሎና የኦሲም ዲማዴዞንሢና ጉሙርቁንታያ ማዕፍ፡ ዲሾንሢንታ ሚሾንሢንታም፤ ኑ ዳዳሢ፡ የኦሲኮ ኮሹሞ ዲንጊፃ ዲንሢም ማዎንጎ፡

ጳውሎሴኮ ጋላቶ ሺኢጲያ

3 ኑ ዲንሢ ዛሎ ሺኢቃ ዎደና ኑ ጎዳሢ ዩሱስ ኪሪስቶሴኮ ዓዳሢ ማዕፍ፡ የኦሲሢ ሲያ ዎዴ ኑ ጋላታኔ፡፡

4 ዓይጎር ጌዔቴ ዲንሢ ዩሱስ ኪሪስቶሴ ጉሙርቃሢና የኦሲም ዲማዴ ዓሶ ዲንሢ ናሽካሢ ኑ ዎይዜኔ፡፡

5 ጎኑሞ ማዕፍ፡ ኮዡ ሃይሳ ዲንሢም ሄሌ ዎደና ሃጋ ማዓንዳ ዎዞ ዬያ ዛሎና ዲንሢ ዎይዜኔ፤ ዬያር ዲንሢኮ ጉሙርቁያ ናሹሞናኮ ካራ ጫሪንጫ ዲንሢም ጊኢጊንቲ ዓኣ ሃጊ ማዓንዳ ዎዞይዳኬ፡፡

6 ዲንሢ ኮዡ ሃይሶ ዎይዜሢና የኦሲኮዎ ኮሹሞ ዲንጊፃ ጎናሲ ዔኬሰካፓ ዓርቃያ፡ ሃይ ኮዡ ሃይሳ ዲንሢ ባኣካ ማዳ ጎይፃ ዓጮ ሲያይዳ ዓኣፒ ዓኣፒ ሃሃ ዳልጊሢዳ ዓኣኔ፡፡

7 ዬያ ኑና ማዒ * ኪሪስቶሴም ጉሙርቁንቲ ማዳያ ማዕፍ ሃሃ ኑኡና ዎላ ማዳያ ማዕፍ፡ ናሽኪንታ ዔጳፒራ ዲንሢም ኬኤዜኔ፡፡

8 ሃሃ ዲዚ ዓያና ጌኤሺ ዲንሢም ዲንጌ ናሹሞ ኑም ኬኤዜኔ፡፡

9 ዬያር ዬያ ኑ ዎይዜሰካፓ ዓርቃያ፡ ዲንሢም ዓያናፓ ማዕፍ ዔራቶና ማሊ ጳቂሲሢና ሲያ የኦሲ ማሊፃጉዴያ ዲባንዳጉዲ ኑኡኒ የኦሲ ሺኢጲሢ ሃሺባኣሴ፡፡

10 ኑኡኒ ሺኢቃሢ ጎዳም ዲንሢ ኮይሳሢጉዲ ናንጋንዳጉዲና ሲያ ባኣዚና ዲዛ ዲንሢ ዎዛሳያ ማዓንዳጉዲኬ፤ ዬይያ፡- ኮሺ ማዲ ማዲ፡ የኦሲ ዔሪሢና ዲጪ ዲጪ፡

11 ዴኤፒ ደዲሞና ዳንዳዒሢና ዲንሢኮ ዓኣያ ማዓንዳጉዲ፡ ዲዛኮ ቦንቲንቲ ዎልቆጉዴያ ዎልቄና ሲያ ዲንሢ ደዲ ሃሃ ዎዛዲ ዎዛዲ፡

12 ሃሃ ፖያ ካኣቱሞይዳ የኦሲም ዲማዴ ዓሶና ዎላ የኦሲ ዲንጋ ባኮ ዲንሢ ዔካያ ማዓንዳጉዲ ዲንሢ ማሄ የኦሲሢ፡ ዓዳሢ ዎዛና ዲንሢ ጋላታንዳጉዲኬ፡፡

13 ዓይጎር ጌዔቴ ዲዚ ዲሞ ካኣቱሞ ዳማፓ ኑና ዳቂሺ፡ ፔኤኮ ናሽኪንታ ናዓሢ ካኣቱሞ ዳሞ ጌላንዳጉዲ ኑና ማሄኔ፡፡

14 ዲዛ ዛሎና ኑ ዳቂ፡ ጎሜፓ ማኣሪንቲሢያ ኑ ዳንቄኔ፡፡

* 1:7 «ኑና ማዒ» ጋዓዙ፡- ፔቴ ፔቴ ሚናኣ ማፃኣፓ «ዲንሢ ማዒ» ጋዓኔ፡፡ 1:7 ቆሊ. 4:12፤ ፒልሞ. 23፡፡ 1:14 ዓፕ. 1:7፡፡

ኪሪስቶስኮ ቢያፓ ባሼ ማዒያ

15 ኪሪስቶስ ዓሰም ጴዳዊ ያክዛሂኮ ጎኔ ማሎኬ። ዒዚ ቢያ ማዢንቶኮ ቤርታ ዓኣ ቶይዳሂኬ።

16 ወይቲ ጌዔቲ ጫሪንጮና ሳያናይዳ ዓኣ ባካ፣ ዓኣፒዳ ጴዳሂንታ ጴዳዊ ባካ፣ ጫሪንጫ ጴኔፖ ማዢንቶና ወይሃዘንሂ፣ ሱኡጎንታ ቢታንታ ዓኣዘንሂያ ቢያ ማዢንቲሂ ዒዛናኬ። ያኦሲ ቢያ ባኮ ማዢሂ ዒዛና ሃሃ ዒዛምኬ።

17 ዒ ቢያ ባኮኮ ቤርታፓ ዓኣያኬ፤ ቢያ ባካ ዋላ ካኣሚ ዶዲ ዔቋሂ ዒዛናኬ።

18 ዒዚ ዒዛኮ ዑያ ማዔ፣ ሺኢጲያ ማኣሮ ዓሶኮ ቶኦካሂኬ፤ ቢያ ባኮና ዒ ቤርቲ ማዓንዳጉዲ ሃይቢፓ ዔቋሂናኣ ቤርታጎሂ ዒዛኬ።

19 ዬይ ማዔሂ ያኦሲኮ ዓኣ ወልቃ ናዓሂዳ ኩሙሂና ዓኣያ ማዓንዳጉዲ ያኦሲ፣ ዓዳሂ ኮዔሂሮኬ።

20 ዒዛ ዛሎና ጫሪንጮይዳ ማዔቲያ ሳያይዳ ዓኣ ባኮ ቢያ ያኦሲ ፔኤና ዋላ ገኢጊሺ፣ ቡኩሴኔ፤ ፑርቶ ዓሶ ሱያ ሚያይዳ ዒ ሃይቁም ላኣሊንቲ ሱጉያናኣ ኮሹም ዔኪ ሙኬኔ።

21 ሃያኮ ቤርታ ዒንሂኮ ፑርቶ ማዶና ያኦሲፓ ዒንሂ ሃኪ፣ ዒንሂኮ ማሊያናኣ ያኦሲኮ ዒንሂ ሞርኬኬ።

22 ሃሂ ጋዓንቲ ያኦሲኮ ናዓሂ ዓሲ ማዒ ኬዲ ሃይቁ ዛሎና ያኦሲ ፔኤና ዋላ ዒንሂ ቡኩሴኔ፤ ዬያ ዒ ማዶሂ ዒንሂ ዒዛም ዲ ማዶያና ጌኤሺ፣ ሃሃ ዔኤቢ ቦሂሳ ባኣዚ ባኣያ ማሂ ፔ ቤርቶ ሺኢሻኒኬ።

23 ዬይ ያዲ ማዓንዳሂ ዒንሂ ጉሙርቁሂና ፃጲ ዳኪ፣ ሃሃ ዶዲ ዔቋ ኮዢ ሃይሶይዳፓ ጴዳ ሃጊ ማዓንዳ ዋዘ ቃኣሎና ዓጊፀዋያ ዶዲ ናንጌቲ ሌሊኬ፤ ዬይ ኮዢ ቃኣላ ዒንሂ ወይዛሂና ዓጫ ዓኣ ዓሶም ቢያ ኬኤዚንቲሂኬ፤ ታኣኒ፣ ጳውሎሴያ ማዶያ ማዔሂ ዬያ ኮዢ ቃኣሎ ማዶኬ።

ጳውሎሴ ሺኢጲያ ማኣሮም ዶዲ ማዶ ማዶ

24 ሃሂ ዒንሂ ዛሎና ታ ዔካ ሜታሂ ታና ዋዋዛሳኔ፤ ኪሪስቶስኮ ዑያ ማዔ፣ ሺኢጲያ ማኣሮ ዓሶ ዛሎሮ ኪሪስቶሴይዳ ሄሊ ዓቲ ሜታሂ ታጊዳ ኩማዳንዳጉዲ ታ ማሃኔ።

25 ያኦሲኮ ኮዢ ሃይሶ ፔቲታያ ታ ዓይሱዋያ፣ ጉቤ ዒንሂም ኬኤዛንዳጉዲ ያኦሲዳፓ ታኣም ዒንገንቲ ጎይና ሺኢጲያ ማኣሮ ዓሶም ታ ማዶያ ማዔኔ።

26 ሃይ፥ ታ ከኤዛ ኮዥ ሃይሶ ቃኣላ ሃያኮ ቤርታ ዓሲም ዓኣሺንቲ ዓኣያ፤ ሃሢ ጋዓንቴ ያኦሲ ፔኤም ዲማዴዘንሢም ዔርዜ ዓኣሺንቴ ባኣዚኬ፤

27 ያኦሲኮ ማሊፃ ዬያ ዓኣሺንቴ ባኮኮ ቦንቸና ያርጎቹሞና ዓይሁዴ ማዒባኣ ዓሶ ባኣካ ዎዚጉዲ ዴኤፒታቴ ዒዛም ዲማዴ ዓሶም ዔርዛኒኬ፤ ዬይ፥ ዓኣሺንቴ ባካ ሃጊ ማዓንዳ ዎዛ ጌሢ ኦ ካፓ ቦንቸ ዒዛና ዴዳንዳ፥ ዒንሢ ባኣካ ዓኣ ኪሪሰቶሴኬ።

28 ዔራቶና ዓይጎ ዓሲያ ኦ ዘሪ ዘሪ ሃሃ ዔርዚ ዔርዚ ፔቴ ፔቴ ዓሶ ኪሪሰቶሴ ዛሎና ዒናዴ ዓሲ ማሂ ያኦሲ ቤርቶ ሺኣሻኒ ኪሪሰቶሴ ዛሎ ኦ ከኤዛኒ።

29 ያኦሲ ፔኤኮ ዴኤፖ ዎልቆና ታኣና ማዳሢሮ ዬያ ዴኤፖ ዎልቆና ደዲ ማዲያይዳ ታ ዓኣኔ።

2

1 ዒንሢንታ ሎዶቂያይዳ ዓኣ ዓሶ ዛሎንታ፥ ሃሃ ዬያጉዲ ታና ዔራዎ ዓሶማኣ ቢያ ታ ዎማይዲ ደዲ ማዳቴ ዒንሢ ዔራንዳጉዲ ታ ኮዓኔ።

2 ታ ደዲ ማዳሢ ዒና ዔያቶኮ ደዲ፥ ናሹሞናኣ ፔቴ ማዒ፥ ፒዜ ማዔ ማሊ ጳቂሥሢ ያርጎቹሞ ዴንቂ ያኦሲኮ ዓኣሺንቴ ማሊያ ማዔ፥ ኪሪሰቶሴ ዔያታ ዔራንዳጉዲኬ።

3 ሃኣማቶና ዔራቶናኮ ቆሎ ዓኣሺንቲ ዓኣሢ ኪሪሰቶሴ ኮይላኬ።

4 ዬያ ታ ዒንሢም ጋዓሢ ያኦኒያ ጌሺሢ ሃይሴና ዒንሢ ዳቢሹዎጉዲ ጌይኬ።

5 ዎዚ ታ ዒንሢዳፓ ሃኪ ዓኣያ ማዔቴያ ዓያናና ታ ዒንሢና ዎላኬ፤ ዒንሢ ኮይሳማ ጎይያ ናንጊሢና ኪሪሰቶሴይዳ ዒንሢኮ ዓኣ ጉሙርቂያ ደዲም ታ ዛጋሢሮ ዎዛዳኔ።

ኪሪሰቶሴና ጴዳ ኩሙሢ ናንጊ

6 ጎዳ ዬሱሰ ኪሪሰቶሴ ዒንሢ ጉሙርቂ ዔኬ ጎይያና ዒዛና ዎላ ፔቴ ማዒ ናንጉዎቴ፤

7 ዒዛይዳ ፃጲ ዳኪ፥ ናንጎ ዒንሢ ዒዛና ማሂ ዓርቂ፥ ዒንሢ ዔሪ ጎይያና ኪሪሰቶሴ ጉሙርቂያና ደዲ ናንጉዎቴ፤ ሚርጌና ሃሃ ያኦሲ ጋላቴዎቴ።

8 ኪሪሰቶሴ ዔርዜ ጎይያጉዲቴዎንቴ ዓሲ ከሴ ዎጌና ሃይ ዓጫ ዎርቃ ዎጌይዳፓ ማዔ ጉሪ ጌሺሢ ባኣዚና ሃሃ ሃምዓቶና ማዢንቴ ሃይሴና ጎኔ ጎይፃፓ ያኦኒያ ዒንሢ ደዲ ዔኩዎጉዲ ዒንሢና ዔራዎቴ።

9 ያኦሲኮ ያኦሱማ ጉቤና ፔጋዲ ዔርቲ ናንጋሢ ዓሲ ማዔ፥ ኪሪሰቶሴይዳኬ።

10 ዒንሢያ ኩሙሢ ናንጊ ዴንቄሢ ሱኡጉሞና ቢታንቱሞናኮ ዑፃሢ ማዔ፥ ኪሪሰቶሴናኬ።

11 ዒዛና ሞላ ፔቲ ማዒያና ዒንሢ ዓቲንቶ ቤርቶ ቲቂንቲያ ማዔኔ፤ ዬይ ዓቲንቶ ቤርቶ ቲቂንቲያ ዒንሢኮ ጎሞ ማዶ ላኦሚ ኪሪሰቶሴና ማዒንቲያ ማዓንዳፓዓቲሞ ዓሲ ቲቃ፥ ዓቲንቲ ቤርቲ ቲቂንቲቱሞሴ።

12 ዓይጎር ጌዔቲ ዒንሢ ሞኣያና ማሰቲ ሞዶና ኪሪሰቶሴና ሞላ ዒንሢ ዲኡቲኔ፤ ሃሢ ዒዛና ሞላ ሃይባፓኣ ዒንሢ ዔቄኔ፤ ዒንሢ ሃይባፓ ዔቄሢ ኪሪሰቶሴ ሃይባፓ ዔቄሴ፥ ያኦዛሢ ሞልቆ ዒንሢ ጉሙርቃሢኮ።

13 ዒንሢኮ ጎሞ ዓቲንቶ ቤርታ ቲቂንቲባኣሢኮ ቤርታ ዒንሢ ሃይቆያኬ፤ ሃሢ ጋዓንቲ ያኦሲ ኪሪሰቶሴና ሞላ ናንጊና ባይቁሞያ ዒንሢ ማሄኔ፤ ጎሞ ጉኡኮ ቢያ ዓቶሞ ጌዔኔ።

14 ኑና ዳቢንቲ ዓሲ ማሃ ዒፃያ፥ ሃሢ ኑኡኒ ጋሌ ዓሲ ማዒያ ኑኡኮ ዔርዛ ሞጎይዳ ፃኣፒንቲ ባኮ ዑጩ ባይዚ፥ ፑርቶ ዓሶ ሱያ ማፃ ጳርቂ ኑጊዳፓ ዒዚ ሺኢሼኔ።

15 ዒዛኮ ሞርኮ ማዔ፥ ጫሪጎጫ ዓኣ ሱኡጎና ቢታንታ ዓኣ ማኸንቶ ቢያ ፑርቶ ዓሶ ሱያ ማፃይዳ ባሺ ያሎ ዓንጋሞ ጉሲሲ ባሺንቲያ ማዒያ ዓሲ ቢያ ዴንቃንዳጉዲ ዒ ማሄኔ።

16 ዓካሪ ሙኡዚ ዛላ ማዔቲ ዑሺ ዛላ ቦንቾ ኬሊ ቦንቾሢ ዛላ፥ ዓጊኒ ጃኤሪ ቦንቾሢ ዛላና ዓይሁዶ ዓሶኮ ሃውሾ ኬሎ ቦንቾሢ ዛላና ያኦኒያ ዒንሢ ደቤኔ ጎፓ።

17 ዬንሢ ቢያ ሃጊ ሙካንዳ ባኮኮ ሺቦ ማዔዞንሢኬ፤ ጎኔ ዓኣያ ማዒ ሺባሢ ኪሪሰቶሴኬ።

18 ኮይሱሞ ሼሌዑሞ ዓኣያ፥ ሃሢ ያኦሲ ኪኢታንቾ ካኣሽኪሢ ናሽካ ዓሲ ጌሺ ዒንሢ ጉሪ ዓይሱሞጉዲ ዒንሢና ዔራሞቲ። ዬያጉዴ ዓሢ ዒዛሞ ፔጋዲ ጴዳ ባኮና ሄርሺንቲ ሄርሺንቲ ጉሪ ማዔ ዓሲ ማሊሢና ያቶርቃያኬ።

19 ዬያ ዓሢኮ ዑሢ ቢያ ጨጊቹና ሻሺና ካኣሚ ካኣሚ ሙኡዚያ ዴንቂ ዴንቂ ያኦሲ ዒንጋ ዲጨሢና ዲጨሳ ቶኦካሢናኮ ሞላ ካኣሚሢ ባኣያኬ።

ናንጌቲያ ሃይቄቲያ ኪሪሰቶሴና ማዒሢ

2:12 ሮሜ 6:4። 2:13 ዓፕ. 2:1-5። 2:16 ሮሜ 14:1-6። 2:19 ዓፕ. 4:16።

20 ኪሪስቶስና ዋላ ዒንሢ ሃይቂ ሃያ ዓጮ ባኮይዳፓ ዲማዴያ ማዕቴ ዓካሪ ይያይዳፓ ዲማዲባኣያጉዲ ዋዲ ዒንሢ ዩንሢጉዴ ዒይሢያም ዒይሢንታይ?

21 ዩንሢ ዒይሢያንሢ:- «ዓርቂፖ፣ ዳንጋና ካንሢፖ፣ ካኣሚፖ» ጋዓዘንሢኬ።

22 ዩንሢ ቢያ ዓሲ ኬሴ ዋጌና ዓይሥሢ ዔርዚሢሢና ማዲንታያ ማዕሢረ ዩንሢ ማዲንታሢኮ ጊንፃ ማኣዳ ባኣዚ ባኣያ ማዒ ባይቃያኬ።

23 ዩንሢ ዒይሢያንሢ ዓሲ ፔኤር ኬሲ ካኣሽካ ካኣሺንታ ኮይሱዋ ሼሌዑምና ዑሢ ፑርቲሲሢ ማዶ ማዲሺሳሢረ ዛጎዛ ፒዜ ዔራቶና ማዲንታያ ማላኔ፤ ጋዓንቲ ዓሲ ኮዓ ሱኡኮ ማዶ ቃዘኒ ማኣዳ ባኣዚ ባኣያኬ።

3

ኪሪስቶስ ጉሙርቃ ዓሲ ናንጋንዳ ናንገ

1 ዓካሪ ኪሪስቶስና ዋላ ሃይባፓ ዒንሢ ዔቁሢረ ኪሪስቶስ ዴዒ ዓኣ ያኦሲኮ ሚዛቆ ዛላ፣ ቦንቺንቲ ቤዛ፣ ሎ ጫሪንጮይዳ ዓኣ ባኮ ደዲ ኮዑዋቲ።

2 ቢያ ዋዴ ሎ ጫሪንጫ ዓኣ ባኮ ማላንዳኣፓዓቲም ሃይካ ሳዓ ዓኣ ባኮ ዛሎ ማሊፖቲ።

3 ዓይጎር ጌዔቲ ሃይቂ ዲማዴያጉዲ ሃያ ዓጮ ፑርቶ ባካፓ ዒንሢ ዲማዴኔ፤ ዒንሢኮ ሽምፓሢያ ኪሪስቶስና ዋላ ያኦሲ ኮይላ ዓኣሺንቲ ዓኣኔ።

4 ዒንሢኮ ሽምፓሢ ማዕ፣ ኪሪስቶስ ሙኪ ዴዳ ዋድና ዒንሢያ ዒዛና ዋላ ዴዳንዳኔ፤ ሃሣ ዒዛና ዋላ ዒንሢ ቦንቺንታንዳኔ።

5 ይያር ዒንሢዳ ዓኣ ዒንሢኮ ሳፖ ፑርቶ ማዶ ሱኡኮ ቢያ ዓያኖና ዋዶዋቲ፤ ዩንሢያ:- ማቾ ሃሣ ዓኒ ማዒባኣያና ላሃሢ፣ ዒኢሳ ማዶ ማዲሢ፣ ማቾ ሃሣ ዓኒ ማዒባኣያና ላሃኒ ኮዒ ሱኡካዲሢ፣ ያኦሲፓ ሜሌ ካኣሺ ካኣሽኪሢጉዴያ ማዕ፣ ፔኤም ማዓ ባኣዚር ጎጋይቁሢንታኬ።

6 ዩንሢ ባኮንሢ ዛሎና ያኦሲም ዒይሢንቲያ ዒፃ ዓሶ ዑያይዳ ያኦሲኮ ጎሪንታ ዩዓንዳኔ።

7 ዒንሢያ ሃያኮ ቤርታ ዩንሢ ባኮ ማዲ ናንጋያኬ።

8 ሃሢ ጋዓንቲ ጎሪንቲ፣ ዳጋ፣ ዓሲ ዒፃሢ፣ ደንኮ፤ ዩንሢ ቢያ ሃሹዋቲ፤ ሃሣ ቦርሲሳ ጌኤሲያ ጌሰቲፖቲ።

3:1 ዓይኔ. 110:1።

9 መናክ ዓህ ዒዛኮ መድና ዎላ ዒንህ ጉሲ ሃሼህረ ዎሊና ሉኡዙዎ ባኣዚ ጌሰቲፖቴ።

10 ሃህ ዓኪ ዓሲ ዒንህ መዔኔ፤ ዩይ ዓኪ መዔ ዑፃ ዒዛ ኮሺ ዒንህ ዔራጎዳጉዲ መገፍ ያኣዛህ ሲያ ኬሊ ፔና መላንዳጉዲ ዒ ዓካሳህኬ።

11 ያዒ መዒያና ዓይሁዴ መዒባኣህና ዓይሁዴ መዒህናኮ፣ ዓቲንቶ ቤርቶ ቲቁንቲህና ቲቁንቲባኣህናኮ፣ ጌሪኬ ሙኡጮ ዔራዎ ዓሶንታ ቦዎጉዲ መዔ ዓሶንታኮ፣ ካራመና ካራመ መዒባኣያናኮ ባኣካ ዲሙዎ ባኣያ መዔኔ። ኪሪሰቶሴ ጋዓንቲ ሲያህኬ፤ ሲያህምኬ።

12 ዓካሪ ዒንህ ያኦሲም ዲመዴያና ዶኦሪንቲያ ሃህ ናሽኪንታያ መዔ ጎይያና መጪንቲህ፣ ዓሲም ኮሺ መዶ፣ ሹሌዑሞ፣ ኮሹሞ፣ ጊቢ ዳንዳዒህንታ ዒንህዳ መርጌና ዓኣያ መዑዎቴ።

13 ዒንህ ዎሊም መሊ፣ ፔቲይ ባጋህም ዳቤ ባኣዚ ዓኣቶ ኪሪሰቶሴ ዒንህኮ ጎሞ ዓቶም ጌዔህጉዲ ዒንህያ ዎሊም ዓቶም ጎዑዎቴ።

14 ዩያ ሲያህኮ ዑሃ ሲያህ ፔቲይዳ መሃ፣ ናሹሞ ዓኣያ መዑዎቴ።

15 ፔቲ ዑያኮ ዲማ ዲማ ቤዘ መዒ ዒንህ ዔኤሊንቲህ ዩያ ኮሹሞም መዒህረ ኪሪሰቶሴ ኮሹማ ዒንህ ዒና ካኣታደንጎ፤ ያኦሲ ጋላታያ መዑዎቴ።

16 ኪሪሰቶሴ ቃኣላ ዒንህኮ ዒና መርጌና ዓኣያ መያንጎ፤ ዒንህዳፓ ፔቲይ ባጋህ ዔራቶ ሲያና ዔርዞንጎ፣ ዘሮንጎ፤ ያኦሲም ዓይናደህና ያኦሲ ቦንቲህና፣ ሃህ ያኦሲ ጋላቲ ጋላቲ ዓይናደህ።

17 ያኦሲ፣ ዓዳህ ዩሱሰ ኪሪሰቶሴ ሱንያና ጋላቲ ጋላቲ ዳንጋና ጌሰቶ ባኣዚያ መያም ዒንህ መዳ ባኮዎ ሲያ ጎዳ ዩሱሴ ሱንያና መዳደህ።

ኪሪሰቶሴ ጉሙርቃ ፔቲ መኣሪ ዓሲ ናንጋንዳ ጎይህ

18 ዒንህ ላኣሎ ናኣታ! ዒንህ ጎዳ ዩሱሴር መዔ ጎይያና ሃህ ዓይህንቲህ ኮይሳያታህረ ዒንህ ዓኒንህም ዓይህንቲዎቴ።

19 ዒንህ ዓቲንታ! ዒንህኮ ላኣሎ ናሽኮዎቴ፤ ዔያቶም ፑርታያ መዒፖቴ።

20 ናይዮቴ! ሲያ ባኣዚና ዒንህ ሹዔ ዓሶም ዓይህንቲዎቴ፤ ዓይጎር ጌዔቴ ዩያ ጎዳ ናሽካ ባኣዚታህረኬ።

3:9 ዓፕ. 4:22። 3:10 መገሪ. መፃ 1:26፤ ዓፕ. 4:24። 3:13 ዓፕ. 4:32።
3:17 ዓፕ. 5:19-20። 3:18 ዓፕ. 5:22፤ 1ጴ፪. 3:1። 3:19 ዓፕ. 5:25፤ 1ጴ፪.
3:7። 3:20 ዓፕ. 6:1።

21 ዲንሢ ናኦቶ ሾዔ ዓሳ! ናኦታ ዲንሢኮ ፑርቱሞም ማሉዋጉዲ ጎሪ ዔያቶም ካራ ባይዚፖቴ።

22 ዲንሢ ዓሶም ዓይሌ ማዒ ማዳ ዓሳ! ሳይዳ ዲንሢ ዋይሣ ዓሶም ቢያ ባኣዚና ዓይሢንቱዋቴ፤ ዩያ ዲንሢ ዓይሢንታሢ ዓሲ ዋዛሳኒና ዓሲ ቤርቲም ጴዲሢሮ ማዒባኣንቴ ጎዳ ዩሱሴ ዲጊጩሢና ጌኤሺ ዲናፓ ማዖንጎ።

23 ዲንሢ ማዳ ባኮ ቢያ ዓሲምቱዋንቴ ጎዳ ዩሱሴ ኪሪሰቶሴም ማዳያ ማሂ ደዲ ዋዛና ማዲዋቴ።

24 ዲንሢ ማዳ ዛሎሮ ጎዳ ዲንሢም ዲንጋንዳ ባኣዚ ዓኣሢ ዲንሢ ዔራኔ፤ ዲንሢ ማዳሢ ጎዳ ኪሪሰቶሴምኬ።

25 ፑርታ ማዳሢ ፑርቶ ማዳ ዛሎ ሜቶ ዔካንዳኔ፤ ዓይጎሮ ጌዔቴ ያኦሲ ዓሲ ደማሲ ዛጉዋኣሢሮኬ።

4

1 ዲንሢ ዓይሎ ዋይሣ ዓሳ! ዲንሢያ ጫሪንጫይዳ ዲንሢኮ ጎዳ ዓኣሢ ዔራያታሢሮ ዲንሢኮ ዓይሎ ፒዜ ማዔ ጎይሢና ሄኮ ዛጊ ዋይሠታ።

ዘሮ

2 ያኦሲ ጋላቲሢና ሃሹዋዖ ቢያ ዋዳ ደዲ ሺኣቁዋቴ፤

3 ያኦሲ ፔኤኮ ኮኩ ሃይሶ ኑ ኬኤዛንዳ ካራ ኑም ቡላንዳጉዲና ዲዛ ዛሎ ታ ቱኡቴ፤ ኪሪሰቶሴኮ ዓኣሺንቴ ኮኩ ሃይሶ ኑ ኬኤዛንዳጉዲ ኑማኣ ሺኣቁዋቴ።

4 ሃሣ ታኣኒያ ኮይሳሢጉዲ ፔጋሲ ያኦሲ ቃኣሎ ዓሶም ኬኤዛንዳጉዲ ታኣም ሺኣቁዋቴ።

5 ዓይጎ ካራና ማዔቴያ ዲንሢ ዴንቁማና ዔሪ ማዳ ማዳ፤ ኪሪሰቶሴ ጉሙርቁዋ ዓሶ ባኣካ ዔራቶና ናንጉዋቴ።

6 ዲንሢኮ ጌኤዛ ቢያ ዋዳና ዓሲም ዋይዛኒ ናሻያ ሃሣ ኮሺ ማዖንጎ፤ ሃሣ ዲንሢ ዓሶም ፒዜና ማሂ ኬኤዛንዳ ባኮዋ ዔራንዳያ ኮይሳኔ።

ጋፒንሢ ሃይሴ

7 ቲኪቆሴ ታ ዛሎ ዓኣ ባኮ ቢያ ዲንሢም ኬኤዛንዳኔ፤ ዲዚ ናሽኪንታያ ሃሣ ጉሙርቁንቲ ማዳያ ማዔ፤ ታኣና ዋላ ጎዳ ማዳ ማዳ ታ ዲሻሢኬ።

3:21 ዓፕ. 6:4። 3:22 ዓፕ. 6:5-8። 3:25 ላሚ. ዋማ 10:17፤ ዓፕ. 6:9።
4:1 ዓፕ. 6:9። 4:5 ዓፕ. 5:16። 4:7 ዳኪ. ማዳ 20:4፤ 2፪ዋ. 4:12።

8 ዲዛ ታ ዲንሢ ኮይላ ደካሢ ኑ ዛሎ ዲንሢም ኬኤዛንዳጉዲና ዲኖ ዲንሢኮ ደዲሻንዳጉዲኬ።

9 ዲዛና ዋላ ዲንሢኮ ፃጸሢ ማዔ፥ ጉሙርቂንታናና ናሽኪንታ ዲሻሢ፥ ዓናሲምሴያ ዲንሢ ኮይላ ሙካንዳኔ፤ ዔያታ ሃይካ ዓኣ ባኮ ቢያ ዲንሢም ኬኤዛንዳኔ።

10 ታኣና ዋላ ቱኡቴ ዓሪሰዲርኮሴንታ ዲንሢ ኮይላ ሙኬቴ ዲንሢ ዲዛ ሾኦቹንሢ ዔካንዳጉዲ ታ ዲንሢም ቤርታ ኬኤዜ፥ ባርናባሴኮ ዔኤዚሚ፥ ማርቆሴያ ዲንሢ «ኮሺዳ?» ጌዔኔ።

11 ዲኖሰያሴ ጌይንታ ዲያሱዋ «ኮሺዳ?» ዲንሢ ጋዓኔ። ያኦሲ ካኣቱሞ ማዶ ታኣና ዋላ ማዳ ዓሶ ባኣካፓ ዓይሁዴ ማዔ ዓሶንሢ ዩንሢ ሌሊኬ፤ ዔያታ ታና ደዲሺኔ።

12 ዩሱሰ ኪሪሰቶሴም ማዳያ ማዔ፥ ዲንሢ ፃጸሢ ዔጳፒራ «ኮሺዳ?» ዲንሢ ጋዓኔ። ያኦሲ ማሊያጉዴያ ሂርጋ ባኣያ ማዒ፤ ሃሣ ዓያና ናንገናኣ ዲጨ፤ ደዲ ዲንሢ ዔቃንዳጉዲ ቢያ ዋዴ ዲንሢ ዛሎ ዲ ደዲ ሺኢቃኔ።

13 ዲንሢ፥ ሎዶቂያይዳ ዓኣ ዓሶና ሂራፖሊኖሴይዳ ዓኣ ዓሶ ዛሎ ሚርጌና ዲ ላቢ ማዳሢኮ ታ ማርካኬ።

14 ዴኤሾ ዔራ፥ ናሽኪንታ ሉቃሴንታ ዴማሴንታ «ኮሺዳ?» ዲንሢ ጋዓኔ።

15 ሎዶቂያይዳ ዓኣ ዲሾንሢታ ሚሾንሢንታ፥ ኒምፑንታ ሃሣ ዲዞ ማኣርይዳ ቡኪንታ ኪሪሰቶሴ ጉሙርቃ ዓሶንታም «ኮሺዳ?» ጋዓኔ፥ ጎውዋቴ።

16 ሃኖ ኪኢቴሎ ዲንሢ ናባቤሢኮ ገንፃ ሎዶቂያይዳ ዓኣ ሺኢጲያ ማኣር ዓሶማኣ ናባቢሱዋቴ፤ ዲንሢያ ታኣኒ ሎዶቂያ ዓሶም ዳኬ ኪኢታ ዲንሢ ሄላኣና ናባቡዋቴ።

17 ዓርኪጶሴም፡- «ጎዳይዳፓ ኔኤም ዲንገንቴ ማዶ ደዲ፥ ጋፒንያ ሄሊሲ ማዴ» ጋዓኔ፥ ጌይ ኬኤዙዋቴ።

18 ሃይማ ጋፒንያ ማሊያማ ታኣኒ ጳውሎሴ ታ ኩቻ ፃኣፔኔ። ታ ሃሢ ሄላያ ቱኤዞ ማኣራ ዓኣሢ ዔሩዋቴ።

ያኦሲኮ ኮሹሞ ዲንገን ዲንሢም ማዖንጎ።

4:8 ዓፕ. 6:21-22። 4:9 ፒልሞ. 10-12። 4:10 ዳኪ. ማዶ 19:29፤ 27:2፤ ፒልሞ. 24፤ ዳኪ. ማዶ 12:12፤ 25፤ 13:13፤ 15:37-39። 4:12 ቆላ. 1:7፤ ፒልሞ. 23። 4:14 2ዲሞ. 4:10-11፤ ፒልሞ. 24። 4:17 ፒልሞ. 2።

ጌሌዢ ማግኔግ
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929